

Årsmelding

- for kyrkjelydane i Finnøy

2024

Meir himmel på jorda

Foto: Arne S. Mossige

Hesby, Sjernarøy og Talgje sokn



DEN NORSKE KYRKJA
Kyrkja i Finnøy

Meir himmel på jorda

Årsmelding 2024

Kyrkja i Finnøy

Hesby sokn
Sjernarøy sokn
Talgje sokn

Innhaldsliste:

Generelt for Kyrkja i Finnøy.....s.	3
Hesby sokn.....s.	7
Sjernarøy sokn.....s.	11
Talgje sokn.....s.	15
Statistikk.....s.	20
Ymse felles.....s.	23

Meir himmel på jorda

Kyrkja i Finnøy

Visjon Den Norske Kyrkja: *Meir himmel på jorda*

Kyrkjelydane i Hesby, Sjernarøy og Talgje sokn, er ein del av Stavanger kirkelige fellesråd, Tungenes Prosti, Stavanger Bispedømme og deler Den Norske Kyrkja sin visjon:

”Me er sendt av den treeinige Gud for å dele evangeliet om Jesus Kristus i ord og handling” ”I Kristus, nær livet” – ei vedkjennande, misjonerande, tenande og open folkekyrkje. Vedkjennande ved å dele og gi vidare trua på den treeinige Gud. Misjonerande ved å vitne om Jesus Kristus lokalt og globalt saman med den verdsvide kyrkja. Tenande ved å vise omsorg gjennom nestekjærleik, inkluderande fellesskap, kamp for rettferd og vern av skaparverket. Open ved å utvikle fellesskap som verdset mangfald og respekterer ulikskapar.

I tillegg har kvart av sokna i Finnøy eigen visjon:

Hesby – *Meir himmel på jorda*


Sjernarøy - *Velkommen til kyrkja*

Talgje - *Meir himmel på jorda – ei kyrkje som bryr seg, inspirerer og inviterer til tru og teneste.*

Meir himmel på jorda

Kyrkja i Finnøy

I Finnøy har me tre sokn og totalt seks gudstenestestader (kyrkjelydar). Hesby sokn er Finnøy, Sjernarøy sokn er Ombo og Sjernarøyane og Talgje sokn er Bokn, Byre, Fogn, Halsnøy, Måløy og Talgje.



Finnøy kommunedel hadde ved årsskiftet 3423 innbyggjarar, dette er ein nedgong med ein person frå i fjor. Det er ein liten auke på Finnøy (+ 0,2%) og Sjernarøyane (+ 3,3 %). Ombo er stabilt, litt nedgong på Fogn (- 1,7%), Talgje (-3,1%) og Fisterøyane (-0,7%) Medlemstala i Den norske kyrkja er 2415 personar, 507 av desse er under 18 år, og høyrer inn under trusopplæringa vår, dette talet er synkande.

Meir himmel på jorda

Kyrkja i Finnøy sine tilsette 2024

Terje Engstrøm – Sokneprest Hesby sokn 100%

Ola Aasland Vold – Sokneprest i Sjernarøy og Talgje sokn 100%

Heidi Bø Sangedal – Dagleg leiar 75% og 25% gravplassforvaltning

Ingvild Angelskår Moen – Diakonimedarbeidar i 100%

Brenda Talgø Kolstadløyken – Utadretta medarbeidar 40 % hjå oss og 60 % på servicetorget på kyrkjevevrekontoret.

Reidun Aabrekk Bråtveit – Kyrkjelydspedagog 50%

Bjørn Terje Bertelsen – Kantor i Hesby kyrkjelyd 40% og Fogn kyrkjelyd 10%

Silje Aandstad – Kantor 10% Talgje kyrkjelyd

Sissel Bleie - Kyrkjetenar 20% i Hesby og reinhaldar 20% Hesby og Talgje kyrkjelyd til 1. sept. 2024

Tor Bjarne Flesjå – Klokkar 23% Hesby kyrkjelyd

Jostein Gard – kyrkjetenar timebasert Talgje

John Sigmund Bjerga – Kyrkjetenar 5,23% og klokkar 5,23% Halsnøy kyrkjelyd t.o.m. 31. des. 2024

Irene Eide – Reinhaldar på timar i Jørstad kyrkjelyd og sesong gravplass

Anne Skogen – Kyrkjetenar 10,06% Sjernarøy kyrkjelyd

Kari Hidle – Klokkar 10% Sjernarøy kyrkjelyd

Morten Nedrebø – Reinhaldar 7% Sjernarøy kyrkjelyd

Eilef Gard – Klokkar 3,5% Talgje kyrkjelyd

Ann-Merethe Meling - Klokkar 3,5% Talgje kyrkjelyd

Dag Olav Sæbøvåg – Kyrkjetenar 9,03% Fogn kyrkjelyd

Vivian Bøe Djonne- Reinhaldar 6% Fogn kyrkjelyd

Bjarte Halsne – Vaktmeister alle bygg 25 % til 1. okt. 2024

Anna Fink – reinhaldar Hesby og Talgje 11 % frå og med 1. sept. 2024

Sesongarbeid gravplassar:

Hesby: Kommunal tenesteyting, Sjernarøy og Halsnøy: Sjernarøy bygdeservice. Talgje: Kjetil Gaard og Fogn: Oskar Runestad
Vakant stilling i Jørstad kyrkjelyd som kyrkjetenar. Erlend Nes er fast vikar i denne stillinga. Vakant organiststilling 30 % i Halsnøy, Jørstad og Sjernarøy kyrkjelydar. Geir Eskeland er vikar. (Vakant stilling 10 % klokkar Fogn.)



Meir himmel på jorda

Sokna sitt arbeid 2024

Sokneråda er godt inne i sin periode med soknerådsarbeid. Oppsluttinga til gudstenester og andre arrangement er nokså stabile. Med diakontenesta vår får me no gjort endå meir av tiltak retta utover og møte med folk. Alle sokna hadde i mai besøk av kyrkjebåten, som er ein stafett i høve markeringa av 900 årsjubileumet til Stavanger bispedøme, byen og domkyrkja.

Me er takksame for prosjekt som Fellesrådet har prioritert i våre sokn. Det store restaureringsarbeidet på Hesby kyrkje er i rute og me ser fram til gjenopning i oktober 2025

Talgje kyrkje blir også restaurert, heile sørsida både innvendig og utvendig skal eller er blitt renovert.

Jørstad kyrkje er måla dette året og her er det kome eit nytt kjøkken. På Fogn er ventilasjonsanlegget oppgradert og det er kome nytt brannvarslingsanlegg.

Me har felles heimeside for alle sokna finnoykyrkja.no og felles facebookside Kyrkja i Finnøy.



Det har vore totalt 27 dåp i sokna våre, dette er ein nedgong på 12 stk frå i fjor. Me har hatt 9 vigslar. Det var totalt 26 gravferder med seremoni i våre kyrkjer, ingen på Halsnøy og Talgje. I tillegg har me hatt 1 gravlegging og 4 urnenedsettingar.

Våre sokn støttar U-kirken i Nygata økonomisk og støttar opp om arbeidet deira. Sjå heimesida ukirke.no og eigen årsmelding.

Meir himmel på jorda

Hesby sokn



Meir himmel på jorda

Meir himmel på jorda

Hesby sokn

Hesby kyrkjelyd sin visjon er «Meir himmel på jorda».

Hesby kyrkjelyd har eit godt og breitt samarbeid med kristne lag og organisasjonar på Finnøy.

Soknerådet har hatt seks møte. I tillegg har medlemmene hatt ymse komitemøte. Leiar er Tor Øyvind Skeiseid, Heidi Urtegård er nestleiar. Ho er også soknerådet sin representant i Stavanger krk fellestråd. Odd Bleie er vararepresentant til fellestrådet.

Hesby sokn har eit misjonsprosjekt som er knytt til blant anna Kjellfrid Eggebø frå Finnøy sitt arbeid for ILCT (Iraqw Language and Culture Trust) i Tanzania og Iraqw-folket og omsetting av Bibelen til deira eige språk. Soknerådet vil i mai 2025 avgjere kva som blir kyrkjelyden sitt misjonsprosjekt frå 2026 til 2031.

Me er glade for det store restaureringsarbeidet på kyrkja. Frå og med 1. september har me brukt Bethel til gudstenester og kyrkjelege handlingar – dette fungerer godt som ei mellombels løysing. Det er sendt inn søknad om å restaurere sakristiet i kyrkja. Me er også i gong med å sikre ei oppgradering rundt kyrkja og på gravplassen. Det er dessutan behov for fleire parkeringsplassar.

Det er gudstenester i soknet annankvar sundag med eit godt oppmøte, om lag 130 personar i snitt per søndagsgudsteneuste inkludert julaftan. Soknet har hatt ansvaret for bønnesamlingar i kyrkja første onsdagen i månaden. Det har også vore fire tilrettelagte kveldsgudstenester i lag med Fåtunet. På Finnøy har det vore eit Alphakurs som mange har delteke på, kor soknet har vore medarrangør.



Meir himmel på jorda

Sokneprest Terje Engstrøm er aktivt med i Moment som er eit oppbyggeleg trustiltak for unge vaksne. Dei har hatt sine samlingar på Utsyn misjonscenter, med eit godt og jamt oppmøte.

I haust har sokneprest Terje Engstrøm hatt tilbod om bibeltimar på Bethel. Tema har vore Apostelgjerningane, og her har det vore godt oppmøte.

I august hadde Rust & Moll tomatfestivalkonserten i kyrkja. I desember var Me syng jula inn arrangementet på Utsyn misjonscenter – eit svært vellukka arrangement med to samlingar i regi av ein lokal komite.

Ryfylke Livsgnist hadde ein open «Vandring i bedehusland» i april.

Verksemda har fleire turar med bestillingsgrupper, med ulike konsept.

Gruppene har vore jamt innom kyrkja i perioden fram til september.

Me har hatt open kyrkje nokre helger og kvardagar i sommar. Lokale ungdommar var vertskap og blei løna av midler som me fekk frå Kirkerådet. 70 var innom totalt og me hadde ope to timar midt på dagen over 20 dagar.

OPEN KYRKJE



DEN NORSKE KYRKJA
Kyrkja i Finnøy

Babysong for alle sokna held til på biblioteket. Open Hall for ungdom som er i fleirbrukshallen, er eit samarbeid mellom sokneråda. Her er det ei eiga ressursgruppe av frivillige vaksne, som tek ansvar for kveldane. Foreldre på ungdomsskuletrinnet er med som ansvarlege. Open Hall fungerer svært godt, og har godt besøk.

Kyrkja har eit nært og godt samarbeid med sundagsskulen og Finnøy og Talgje KM speiderar knytt opp til familiegudstenester.

Påskevandringa på Nordre Vignes som sundagsskulen arrangerer er eit veldig godt tiltak som samlar mange både lokale og tilreisande. I fjor om lag 1700. Besøkstenesta i soknet har halde fram og alle DNK-medlemmer som har runde og halvrunde tal frå og med 80 år og oppover, får tilbod om besøk.

Meir himmel på jorda

Kyrkjelydspedagog har hatt samling for dei yngste i samband med utdeling av 4- og 5-års bok, samt ei samling for dei som er 2 år i forkant av hausttakkefesten. I tillegg har enkelte trinn vore inviterte til kyrkjekontoret for førebuing til gudstenester. Då har dei gjerne hatt forsongarteneste. I høve utdeling av nytestamente, vart femteklassingane inviterte til ei samling på kontoret, der dei fekk lære meir om Bibelen. Me har óg arrangert tårnagent-samling for tredjeklassingar i dei tre sokna våre.



Me gler oss over det gode arbeidet til Finnøy og Talgje KM-speidarar. Speidarane samlar mange born og har no utvida sitt tilbod og har hatt ventelister for å vere med. Dei deltek i gudstenesta i Hesby x 1/år.



Me hadde to skulegudstenester knytt til julehøgtida, i tillegg til jule- og påskevandring med Preg og Hagatoppen barnehage. Prestane har vore på skulebesøk i samband med Bibeldagen og hausttakkefesten. Nytt tilbod til skulen ved 5. klasse er Bibelsporet v/Reidun.

Sokneprest Terje Engstrøm legg jamt ut preiker knytt til preiketekstane på Hesby Media og me har og Hesby kyrkje si Facebookside.

Meir himmel på jorda

Sjernarøy sokn



Velkommen til kyrkja

Meir himmel på jorda

Sjernarøy sokn

Sjernarøy sokn består av Sjernarøyane og Ombo. Visjonen er "Velkommen til kyrkja". Det finst to kyrkjer; Sjernarøy kyrkje på Kyrkjøy, og Jørstad kyrkje på Ombo.

Soknerådet har hatt fem møte. Leiar er Kari Hidle og nestleiar Ragnhild Frøyland. Soknerådet sin representant i Stavanger krk fellesråd er Håkon Eide med Sissel Haavik Vadla som vararepresentant.

Soknet har eit misjonsprosjekt som er knytt opp mot NMS sitt arbeid på Madagaskar. Soknet er også medlem i Kirkens SOS, sjå eiga årsmelding.

Jørstad kyrkjelyd

Jørstad er ein liten, men trufast kyrkjelyd med 12 gudstenester i året, med eit snitt på 31 personar. Det er gledeleg at folk sluttar opp om gudstenester og Barneglede. Fellesrådet har mala kyrkja, installert varmepumpe og oppgradert kjøkken. Det vert og jobba med å betre toalettforholda. Barneglede er eit kor for dei yngste barna som øver i kyrkja ca. annakvar veke og er om lag **ti** barn. Det er også anna kristent arbeid gjennom barnelaget Awana.



Meir himmel på jorda

Me har arrangert formiddagstreff to gonger i semesteret på Ombo grendahus i lag med Helselaget. Dette er eit veldig kjekt tiltak og det kjem mellom 10 og 17 personar. Brenda, Heidi og Ingvild har vore med der. Jørstad kyrkje har eiga Facebookside der gudstenester og evt. andre arrangement blir delte.

Sarepta har lånt kyrkja til eit møte i haust. Lokale krefter arrangerte Me syng jula inn med godt oppmøte.

Me hadde skulegudsteneste til jul, og kyrkjelydspedagog har hatt samlingar for barn i samband med hausttakkefesten. Reidun og Ingvild besøker også Barneglede ved høve. Prestane har vore på skulebesøk i samband med Bibeldag og hausttakkefest. Soknerådet ved Håkon Eide har eit samarbeid med Ombo oppvekstsenter i høve markeringa av 900 årsjubileumet i 2025. Han har vore på skulebesøk og storskulen på Ombo og Sjernarøy er invitert til å vere med på eit opplegg med historie, skodespel og segling til Stavanger i juni 2025

Sjernarøy kyrkjelyd

Det var 13 gudstenester, nokre gudstenester med svært godt oppmøte, andre gonger langt færre i gjennomsnitt 41 personar pr. gudsteneste. Det er fint å registrere at dei som har hytter også kjem til gudsteneste.

Kyrkjelyden arrangerte julekonsert ved Mari Hauge. Det er arrangert fire føremiddagstreff på Helgøysund Bedehus med 7–15 deltakarar. Me gler oss over at det er eit barnelag i Sjernarøyane som har svært god oppslutnad med deltakarar frå 0-15 år, dei yngste i lag med vaksne. Kyrkjelydspedagog har hatt samling med dei yngste i samband med hausttakkefesten. Roturen blei i år gjennomført 15. og 16. juni.

Ungdommane som var med rodde frå Sør – Talgje via Finnøy til Eik, der me avslutta med ei gudsteneste i Sjernarøy kyrkje. Dette tiltaket er støtta av Færingssongarane. Me har besøksteneste til jubilarar som fyller 80, 85 og oppover. Det er Ingvild som administrerer besøka og får med seg lokale frivillige til besøk.

Meir himmel på jorda



Me har hatt felles barnehage – og skulegudsteneste før jul. Prestane har vore på skulebesøk i samband med Bibeldag og hausttakkefest.



Organisasjonen Sarepta har lånt kyrkja til ei møtehelg i vår og eit kveldsmøte i haust.



Meir himmel på jorda

Talgje sokn



Meir himmel på jorda

*-ei kyrkje som bryr seg, inspirerer og
inviterer til tru og teneste*

Meir himmel på jorda

Talgje Sokn

Består av **Talgje kyrkjelyd** på øya Talgje, **Fogn kyrkjelyd** på øya Fogn med Bokn, Byre og Måløy, og **Halsnøy kyrkjelyd** på øya Halsnøy. Visjonen er *Meir himmel på jord – ei kyrkje som bryr seg, inspirerer og inviterer til tru og teneste*. Utanom arbeidet og trusopplæringa som blir drive av kyrkja, blir det drive mykje arbeid blant både vaksne, barn og unge på både Fogn, Halsnøy og Talgje i regi av bedehuset og frivillige. Kyrkja ønsker godt samarbeid med lokale, frivillige og organisatoriske krefter.

Soknet har eit misjonsprosjekt i Misjonsalliansen (sjå side 26). Talgje sokn er medlem i Kirkens SOS – sjå eiga årsmelding.

Soknerådet har hatt fem møte. I tillegg hadde me ei inspirasjonssamling på Innbyggartorget. Eilef Gard er leiar og Margunn Hovda nestleiar. Ottar Sandanger er soknerådet sin representant i Stavanger krk fellesråd, Terje Kjølvik er vararepresentant.



Meir himmel på jorda

Fogn kyrkjelyd

Det har vore 16 gudstenester med eit gjennomsnitt på 72 personar kvar gong, inkludert utegudstenester i Eidsvåg, dagsturhytta. I tillegg hadde me ein utegudsteneste på Byre. I år kom det 108 personar til denne gudstenesten som er rekna som ein god sommartradisjon. Fogn kyrkje har ein ansvarskomité, som blant anna har ansvaret for å fordele praktisk arbeid i kyrkja, inkl. kyrjekaffien. Målet er også å lage møteplassar, arrangere møte og konsertar. Det er barnekor og eit tilbod til dei yngste barna Hobby og tru.

Fogn kyrkje har også i år vore plassen for trusopplæringstiltaket Lys Vaken for 6. klasse.

Sjå eigen årsrapport.



Meir himmel på jorda

Halsnøy kyrkjelyd

Gudstenestene (12 i talet) har gjennom året vore stabilt besøkte med eit gjennomsnitt på 33 personar. Det er kyrkjekaffi etter gudstenesta. Halsnøy har vore og er framleis vertskap for trusopplæringsprosjektet "Pinse for alle", som rettar seg mot fjerde klassingar i heile Finnøy kommunedel. Lokale krefter har vore aktivt med. Kyrkjelydspedagog har i samarbeid med Gute- og Jentelaget hatt samling med dei yngste barna knytt til hausttakkefesten. Kyrkja har eit godt samarbeid med bedehuset og organisasjonane på Halsnøy, blant anna gjennom annonsering av gudstenester og andre samlingar på fb Halsnøy bedehus.

Det har vore kjekt med føremiddagstreff på Halsnøy bedehus. Me har hatt fire gonger og Ingvild har vore med i tillegg til lokale pådrivarar. Det har vore godt oppmøte, og tilbodet blir sett pris på.



Meir himmel på jorda

Talgje kyrkjelyd

Det har vore 16 gudstenester på Talgje, dette inkluderer speidargudsteneste. I gjennomsnitt kom det 53 personar på gudstenestene. I år fordelte me konfirmantane på to gudstenester. Det har vore barn og andre med som medliturgar i gudstenestene. Det er også verd å merke seg at når det er gudsteneste på Talgje kjem det som oftast folk frå Finnøy. Det plar vere kyrkjekaffi etter gudstenestene. Ein sundag i månaden har ein lokal komité ansvar for kveldsbøn i kyrkja. Kyrkja har vore stengd i haust og me har brukt bedehuset til gudstenester. Kyrkja skal etter planen opne igjen våren 2025 Det blei arrangert konsertar ved Kristina Vårlid i juli. Øya har ei husgruppe tilknytt kyrkja. Finnøy og Talgje KM speidarar har hatt ei gudsteneste i kyrkja. Me gler oss stort over det arbeidet som blir drive. Det var påske- og juletilstelling i kyrkja med barnehagen på Talgje. Kyrkjelydspedagog hadde samling med dei yngste barna knytt til hausttakkefesten. Talgje kyrkje er open og har jamt besøk utanom gudstenester og faste arrangement. Det var i romjula ei omvising i samband med restuareringsarbeidet 30 stk var innom.



Meir himmel på jorda

Statistikk 2024

Hesby sokn:

Dåp: 15 i 2024 (24 i 2023, 20 i 2022, 16 i 2021, 14 i 2020, 13 i 2019, 21 i 2018, 18 i 2017, 26 i 2016, 21 i 2015, 22 i 2014)

Konfirmerte: 29 i 2024 (18 i 2023, 19 i 2022, 10 i 2021, 15 i 2020, 19 i 2019, 25 i 2018, 24 i 2017, 26 i 2016, 28 i 2015, 24 i 2014)

Vigslar: 4 i 2024 (3 i 2023, 6 i 2022, 5 i 2021, 3 i 2020, 6 i 2019, 2 i 2018, 5 i 2017, 10 i 2016, 2 i 2015, 9 i 2014)

Gravferder: 13 i 2024 (5 i 2023, 19 i 2022, 12 i 2021, 8 i 2020, 15 i 2019, 13 i 2018, 13 i 2017, 13 i 2016, 9 i 2015, 8 i 2014)

Totalt tal gudstenester: 47 i 2024 (52 i 2023, 40 i 2022, 38 i 2021, 48 i 2020, 52 i 2019, 45 i 2018, 47 i 2017, 49 i 2016, 54 i 2015, 54 i 2014)

Snitt tal på gudstenestene: 84,2 i 2024 (80,5 i 2023, 85,7 i 2022, 55,9 i 2021, 43,5 i 2020, 71,8 i 2019, 92,2 i 2018, 98 i 2017, 88,7 i 2016, 91 i 2015, 97 i 2014)

Sundagsgudstenester: 26 i 2024 med snitt 113,5 (34 i 2023 med snitt 101, 28 i 2022 med snitt 100, 34 i 2021 med snitt 60,7, 27 i 2020 med snitt 61,6, 104,3 i 2019, 124,6 i 2018, 124,6 i snitt i 2017, 115 i snitt i 2016, 110 i snitt i 2015)

Tal nattverdsgudstenester : 13 i 2024 (14 i 2023, 11 i 2022, 9 i 2021, 13 i 2020, 17 i 2019, 17 i 2018, 24 i 2017, 20 i 2016, 22 i 2015, 18 i 2014)

Totalt tal på nattverdsgjestar: 1135 i 2024 87 i snitt (1072 i 2023 76,5 i snitt, 950 i 2022 86 i snitt, 469 i 2021, 52 i snitt, 702 i 2020, 54 i snitt, 1234, 72,5 i snitt i 2019, 1258, 74 i snitt i 2018, 2164, 90,2 i snitt i 2017, 1570, 78,5 i snitt i 2016, 1721, 78 i snitt, 1386 snitt på 77 i 2014)

Utmeldingar: 2 i 2024 (4 i 2023, 2 i 2022, 6 i 2021, 6 i 2020, 4 i 2019, 7 i 2018, 9 i 2017, 15 i 2016, 1 i 2015, 0 i 2014)

Innmeldingar: 1 i 2024 (4 i 2023, 1 i 2022, 0 i 2021, 2 i 2020, 2 i 2019 (1 i 2018, 2 i 2017))

Meir himmel på jorda

Sjernarøy sokn:

Dåp: 3 i 2024 (9 i 2023, 4 i 2022, 4 i 2021, 6 i 2020, 6 i 2019, 5 i 2018, 5 i 2017, 10 i 2016, 8 i 2015, 12 i 2014)

Konfirmerte: 5 i 2024 (3 i 2023, 4 i 2022, 3 i 2021, 2 i 2020, 6 i 2019, 4 i 2018, 9 i 2017, 6 i 2016, 5 i 2015, 0 i 2014)

Vigslar: 3 i 2024 (0 i 2023, 2 i 2022, 4 i 2021, 2 i 2020, 2 i 2019, 6 i 2018, 2 i 2017, 5 i 2016, 1 i 2015, 0 i 2014)

Gravferder: 7 i 2024 (5 i 2023, 5 i 2022, 7 i 2021, 7 i 2020, 4 i 2019, 8 i 2018, 4 i 2017, 13 i 2016, 7 i 2015, 9 i 2014)

Totalt tal gudstenester: 27 i 2024 (29 i 2023, 27 i 2022, 20 i 2021, 24 i 2020, 29 i 2019, 28 i 2018, 27 i 2017, 30 i 2016, 33 i 2015, 30 i 2014)

Snitt tal på gudstenestene: 34,6 i 2024 (39,7 i 2023, 33,4 i 2022, 31 i 2021, 29,6 i 2020, 41,9 i 2019, 39,6 i 2018, 50,5 i 2017, 53,9 i 2016, 52,3 i 2015, 46,3 i 2014)

Snitt tal på søndagsgudstenester i soknet: 31,1 i 2024 (40,5 i 2023, 33,8 i 2022, 31,5 i 2021, 30,35 i 2020, 41 i 2019, 38,6 i 2018, 49,8 i 2017, 54,2 i 2016, 46 i 2015)

Tal nattverdsgudstenester : 10 i 2024 (12 i 2023, 13 i 2022, 6 i 2021, 6 i 2020, 14 i 2019, 12 i 2018, 10 i 2017, 8 i 2016, 6 i 2015, 10 i 2014)

Totalt tal på nattverdsgjestar : 176 i 2024, snitt 17,6 (177 i 2023, snitt 14,75, 228 i 2022, snitt 17,5, 92 i 2021, snitt 15, 83, snitt 13,8, 247, snitt 17,6 i 2019, 145, snitt 12,1 i 2018, 224, snitt 22,4 i 2017, 157, snitt 19,6 i 2016, 100 snitt 16,6 i 2015, 144, 14,4 i snitt 2014)

Utmeldingar: 1 i 2024 (0 i 2023, 1 i 2022, 1 i 2021, 0 i 2020, 0 i 2019, 1 i 2018, 2 i 2017, 4 i 2016, 0 i 2015, 1 i 2014)

Innmeldingar: 0 i 2024 (1 i 2023, 0 i 2022, 0 i 2021, 0 i 2020, 1 i 2019)

Meir himmel på jorda

Talgje sokn:

Dåp: 9 i 2024 (6 i 2023, 9 i 2022, 7 i 2021, 5 i 2020, 4 i 2019, 6 i 2018, 8 i 2017, 12 i 2016, 12 i 2015, 8 i 2014)

Konfirmerte: 12 i 2024 (8 i 2023, 16 i 2022, 11 i 2021, 8 i 2020, 8 i 2019, 7 i 2018, 10 i 2017, 9 i 2016, 7 i 2015, 6 i 2014)

Vigslar: 2 i 2024 (0 i 2023, 6 i 2022, 4 i 2021, 0 i 2020, 0 i 2019, 2 i 2018, 1 i 2017, 2 i 2016, 3 i 2015, 5 i 2014)

Gravferder: 6 i 2024 (2 i 2023, 4 i 2022, 4 i 2021, 7 i 2020, 3 i 2019, 4 i 2018, 5 i 2017, 5 i 2016, 3 i 2015, 5 i 2014)

Totalt tal gudstenester: 61 i 2024 (52 i 2023, 55 i 2022, 42 i 2021, 52 i 2020, 66 i 2019, 62 i 2018, 61 i 2017, 59 i 2016, 65 i 2015, 51 i 2014)

Snitt-tal på gudstenestene: 45,5 i 2024 (47 i 2023, 55,3 i 2022, 45,1 i 2021, 42,4 i 2020, 43,9 i 2019, 50 i 2018, 56,8 i 2017, 60,7 i 2016, 48 i 2015, 57,3 i 2014)

Totalt tal søndag/helgedag GT: 56 i 2024 med snitt på 45,5 (49 i 2023 med snitt på 47,9, 44 i 2022 med snitt på 62,75, 40 i 2021 med snitt på 46,3, 37 i 2020, 43 med snitt på 51,2 i 2019, 43 med snitt på 58 i 2018, 43 med snitt på 67,2 i 2017, 41 med snitt på 71,5 i 2016, 41stk med snitt på 55 i 2015)


Tal nattverdsgudstenester: 22 i 2024 (24 i 2023, (18 i 2022, 8 i 2021, 14 i 2020, 27 i 2019, 30 i 2018, 30 i 2017, 19 i 2016, 25 i 2015, 24 i 2014)

Totalt tal på nattverdsgjestar: 798 med snitt 36,2 i 2024 (897 med snitt 37,4 i 2023, 654 med snitt 36,3 i 2022, 247, snitt 30,8 i 2021, 457, snitt 32,6 962, snitt 35,6 i 2019, 1005, snitt 33,5 i 2018, 1248, snitt 41,6 i 2017, 977, snitt 51,4 i 2016, 842 33,7 i snitt i 2015, 949 ,39,4 i snitt i 2014)

Utmeldingar: 2 i 2024 (0 i 2023, 0 i 2022, 4 i 2021, 2 i 2020, 6 i 2019 (0 i 2018, 16 i 2017, 29 i 2016, 0 i 2015, 1 i 2014)

Innmeldingar: 0 i 2024 (4 i 2023, 1 i 2022, 0 i 2021, 0 i 2020, 1 i 2019, 1 i 2018)

Meir himmel på jorda



STØRST AV ALT

Trusopplæringstiltak

– sjå eigen trusopplæringsrapport

0-1 år Dåpssamtalar, dåp og babysong

1-3 år Samling i kyrkja for å lære kveldsbøner, med utdeling av materiell, og invitasjon til Gudsteneste. I Hesby sokn er det samling for to-åringane.

4 år: 4 års bok – Samling i kyrkja i forkant av ei gudsteneste der dei får utdelt ein barnebibel.

5 år: Utdeling av aktivitetsbok på ei samling i kyrkja i forkant av ei gudsteneste. I lag med fire-åringane. I Talgje og Sjernarøy sokn har me ei felles samling for 1–5 år.

6 år: 1. klasse på Finnøy blir invitert til hausttakkefest og får ei Bibelbok. Dei får også skulebesøk. På dei andre øyane blir 6- 9 år (1-4 kl.) invitert i lag og får ulike bøker kvart år i hausttakkefesten i kyrkja. Dei får også felles skulebesøk.

7 år: Invitasjon til Påskevandring på Finnøy, samt utdeling av påskebok. Dette er eit samarbeid med Sundagsskulen på Finnøy.

8 år: Tårnagenthelg. Borna får lære om kyrkja, misjon og Bibelen på ein spanande måte.

9 år: Pinsevandring på Halsnøy, Samling som varer i tre timar, der dei får lære pinsehistoria i ord og handling. Avslutta med grillfest.

10 år: Utdeling av Godt nytt. Skulebesøk og innbyding til Bibeldagen i kyrkja.

11 år: Lys vaken. Eit døgn der me blir lys vakne for den verdsvide kyrkja og dei rundt oss. Førebuing til og aktiv deltaking i gudsteneste. Arrangert i Fogn kyrkje.

12 år: Rotur frå Talgje til Sjernarøy med overnatting på Emmaus. Roturen har som tema å lære om liturgien i kyrkja. Samarbeid med Færingssongarane.

13 år – 18 år: Open Hall Ca 16 fredagskveldar i løpet av året med fokus på samvær, ballaktivitet og andakt.

14 -15 år Konfirmasjon. Meir om Konfirmasjon neste side.

15 år Ungdomsalph. Invitasjon til to samlingar på kyrkjekontoret.

Meir himmel på jorda

Konfirmasjon

I 2024 var det heile 46 konfirmantar i sokna våre. Prestane Terje Engstrøm og Ola Aasland Vold har hatt hovudansvaret for konfirmantopplegget i samarbeid med andre i staben og frivillige. Det er fleire frivillige som har heimegruppene. Tusen takk for at de opnar heimane til dette. I august reiste 8 av konfirmantane i lag med Heidi og frivillige til Jærgårds på Klepp. Det har vore weekend på Utsyn. Den årlege fasteaksjonen blei stort sett utført ved å gå frå dør til dør. Konfirmantane deltek på totalt 8 gudstenester, der konfirmantane ofte er med på konkrete oppgåver. Vi viser til Konfirmasjon i Finnøy på Facebook og heimesida for konfirmantane for meir informasjon www.kyrkja.com Konfirmantavgifta er kr 750,- inkludert weekend. Opplegget i konfirmanttida er i stor grad subsidiert av kyrkjelydsmidla.


Sokneråda har kjøpt inn ein del nye konfirmantkapper.



Konfirmantar i Hesby kyrkje 2024

Diakoni *Meir himmel på jorda*

«Guds kjærleik til alle menneske og alt det skapte, verkeleggjort gjennom liv og teneste.» Dette er visjonen for det diakonale arbeidet til kyrkja. I våre tre sokn har vi felles diakoniutval som har utarbeidd mandat for utvalet (godkjent i råda) og vidareutvikla lokal plan med utgangspunkt i evangeliet i handling gjennom nestekjærleik, inkluderande fellesskap, vern om skaparverket og kamp for rettferd. Vi ønsker at den diakonale dimenesjonen skal leggjast til grunn i alt arbeidet kyrkja utfører, i gudstenester, barne- og ungdomsarbeid og på alle våre møteplassar. Fleire tiltak er sett i verk- både enkelttiltak og rullerande tiltak. Samarbeid med skular, lag og organisasjonar er vidareutvikla, kyrkja ønsker å vere ein ressurs i lokalsamfunnet og spelar på lag med positive initiativ frå frivillige.



Etablerte rullerande tiltak:

Finnøy helse- og omsorgssenter, songstunder ved diakon og organist, ein gong i månaden. Andaktar ved frivillige på søndagar.

Formiddagstreff på Ombo, Sjernarøy og Halsnøy to gonger i halvåret.

Torsdagscafé på Fogn, kvar torsdag.

Formiddagstreff på Fåtunet, ein gong i månaden, servering og program.

Samarbeid med Fåtunet om kveldsgudstenester og andre arrangement.

Jubilantbesøk i alle sokn ved runde tal frå fylte 80 år.

Uteprat i turgruppe Teigen på Finnøy, ein dag i veka.

Tilbod om samtalar, i heimane, på kontoret eller ute på tur.

Språkkafé på Fogn, annakvar veke, samarbeid med helselag og frivilligsentralen.

Nabocafè for 10.klassingar, på kyrkjekontoret, vafler og saft nokre gonger i året.

Symaskin i kyrkja på Fogn, annakvar torsdag.

Temacafe på innbyggertorget, nytt tiltak i 2024, samarbeid med Finnøy helselag og frivilligsentralen, to gonger i halvåret, lågterskeltilbod, enkel servering, temainnlegg og samtale.

Mini Alpha kurs for 10.klasse to samlingar på våren. Pizza, undervisning og samtale.

Felles julefeiring på innbyggertorget.

Julegåveaksjon.

Sommarfest i inkluderingsarbeidet, samarbeid med språkcafé og frivilligheten.

Tilbod om sorggrupper. Fleire i våre sokn har tatt kurs og er i gang med å leie sorggrupper.

Tilbod om samtale/oppfølging for pårørende til dei som har mista nokon nære, vi tar kontakt 1-2 mnd. etter gravferd.

I 2024 arrangerte vi Verdsdagen for psykisk helse, temakveld på Finnøy skule, saman med Finnøy helselag og frivilligheten.

Vi har fått to flotte dåpskjolar som vi låner ut gratis, kyrkja støttar opp om bruktmarknader og ryddeaksjonar i nærmiljøet.

Diakoni, gudstenester og trusopplæring går saman, me drar veksel på kvarandre og er med i ulike tiltak i samarbeid, td konfirmantar, Open hall, og Rotur.



Meir himmel på jorda

Misjonsprosjekt i sokna våre:

Sjernarøy sokn:

Støtter Misjonsselskapet sitt arbeid på Madagaskar, til utdanning av lokale evangelistar. Det vart samla inn kr 5576,- til Misjonsprosjektet, dette er ein liten auke frå i fjor.

Talgje sokn:

Misjonsprosjektet er Misjonsalliansen sitt arbeid i Ecuador. Hovudsakleg er arbeidet knytt til hamnebyen Guayaquil. Her bur det ca 500 000 menneske. «Arbeidet vårt i lokalsamfunnene fokuserer på familierelasjoner, fritidsaktiviteter, og verdier, helsearbeid, inkluderende utdanning, forebedring av familieøkonomi, klima og miljø, rettighetsarbeid og menighetsarbeid» (henta frå misjonsalliansen.no) Soknet har eit mål om å samle inn kr 50 000,- pr år. I 2024 klarte me kr 52 955,- som er ein liten auke frå i fjor. Kr 15 180,- av desse pengane er frå basarkveld i Fogn kyrkje. Det andre er innsamla ved takkoffer i gudstenestene.

Meir himmel på jorda

Hesby sokn: Kjellfrid Eggebø frå Finnøy, har arbeidd for ILCT (Iraqw Language and Culture Trust) og vore fleire gonger i Tanzania. Iraqw-folket og språket deira har ikkje hatt gode kår i Tanzania. Men takka vere den entusiastiske og sjølvoppofrande innsatsen til Frøydis Nordbustad frå Tysnes, fekk dei i 2004 Bibelen på sitt eige språk. Dette er verkeleg eit stort løft for dette folket og identiteten deira. I 2005 blei ILCT stifta. Dei har leseopplæring for Iraqw-folket som hovudoppgåve. Kjellfrid har vore med på språkoplæring. Dei flinkaste elevane blir lærte opp så dei sjølv kan vere lærarar.

ILCT driv ikkje med bibelundervisning eller kyrkjelydsarbeid direkte, men dei samarbeider med dei kristne kyrkjene i den delen av landet der Iraqw-folket bur.

I 2024 har kyrkjelyden samla inn kr 43 415,- Dette er ein liten nedgong frå i fjor, men hadde også færre ofringar til føremålet enn det førre året.

Sokneråd 2023-2027

Hesby sokneråd

Faste medlemmer:

1. Tor Øyvind Skeiseid
2. Heidi Kristin Urtegård
3. Solfrid Sevheim Haga
4. Dorrit Vignes
5. Brit Leikvoll Børresen Idsøe
6. Odd Birger Bleie

Varamedlemmer:

1. Ina Oline Halleland
2. Kristoffer Vatnaland Flesjå fritak ut perioden.
3. Olav Reilstad
4. Arne Nordbø
5. Anna Lauvsnes

Sjernarøy sokneråd

Faste medlemmer:

1. Kari Hidle
2. Håkon Arne Eide
3. Sissel Haavik Vadla
4. Ragnhild Frøyland
5. Else Norheim
6. Benny Tysdal Helgeland

Varamedlemmer:

1. Grete Hiim
2. Beate Hauge Østlund
3. Anne Skogen

Talgje sokneråd

Faste medlemmer:

1. Eilef Johan Gard
2. Terje Kjølvik
3. Ingrid Eiane Setvik
4. Beate Steinsvik Jansen
(perm. til hausten 25)
5. Ottar Sandanger
6. Anita Fjukmoen
7. Margunn Madsen Hovda
8. Merete Meling Kindingstad

Varamedlemmer:

1. Jon Fredrik Hartvedt
2. Else Jorunn Løland
3. Sofie Bjerga Roth
4. Jon Olav Runestad
5. Aslaug Søyland Lorentzen